

金陵全書

金陵全書

甲編·方志類·專志

金陵梵刹志

(三)

(明)

葛寅亮

撰

南京出版傳媒集團
南京出版社

圖書在版編目 (CIP) 數據

金陵梵刹志 / (明) 葛寅亮撰. —南京 : 南京出版社, 2013.7

(金陵全書)

ISBN 978-7-5533-0217-1

I. ①金… II. ①葛… III. ①佛教—寺廟—史料—南京市 IV. ①B947.253.1

中國版本圖書館CIP數據核字 (2013) 第109354號

書 名 【金陵全書】 (甲編·方志類·專志)

金陵梵刹志

編 著 者 (明) 葛寅亮 撰

出版發行 南京出版傳媒集團

南 京 出 版 社

社址: 南京市老虎橋18-1號 郵編: 210018

網址: <http://www.njpbs.com> 淘寶網店: <http://njpress.taobao.com>

電子信箱: njpbs1988@163.com

聯繫電話: 025-83283871、83283864 (營銷) 025-83283883 (編務)

出 版 人 朱同芳

責任編輯 嚴行健 楊傳兵 劉芳源

裝幀設計 楊曉崗

責任印製 楊福彬

製 版 南京新華豐製版有限公司

印 刷 南京凱德印刷有限公司

開 本 889×1194毫米 1/16

印 張 119.25

版 次 2013年7月第1版

印 次 2013年7月第1次印刷

書 號 ISBN 978-7-5533-0217-1

定 價 3600.00 元 (全三冊)

金陵梵剎志卷三十四

中剎雨花臺高座寺 古剎

在都門外南城離聚寶門一里半所統報恩寺相望晉
永嘉中名甘露寺西竺僧尸梨蜜提高座說法因名高
座舊志僧號高座道人葬此元帝樹剎于塚因名又竺
道生所居曰高座皆不可辨洪武中僧瑄重修燬於火
弘治間僧照堂復加恢拓寺後卽雨花臺梁雲光法師
講經天雨寶花處游人籍地歲時不絕所領小剎曰安
隱寺寶光寺均慶院月印菴

殿堂山門

參楹

天王殿

參楹

左右鐘鼓樓

貳座

法堂

伍楹

羅漢廊

金陵梵刹志

卷之三

三

七

肆拾

藥師殿

伍

僧院

拾肆

基址五十畝

東至官街南至安隱寺

西至雨花臺

禪院禪堂

叁

華嚴樓

叁

厨庫茶寮

肆

古蹟附

中孚塔雲公松

金陵集載蔣穎俶和王和甫雨

講經雨花之地有梁時誌公二印雲公手植郭祥正詩云至今手植松千丈騰虬龍俱不存

人物晉帛尸黎蜜

即高座道人作漢語或問此竺道意簡文曰以簡應對之煩有傳

竺道

生

見寺記

梁寶誌

嘗主高座寺講席

雲光

梁武帝時法師

唐中孚

李白有詩

贈

宋慧新

有誌畧

明西域僧

有傳畧

古谿

有誌畧

附叅講棲

覽晉王導

卞壺

王司空嘗過尸梨蜜解帶盤礴卞將軍適至蜜肅然改容問其故曰

王公風鑑期人卞令範度格物吾當以是應之

高座寺記略

宋徽猷閣直學士劉岑

考圖志此山得名於晉永嘉中名甘露寺尸黎蜜多羅爲
王茂洪所敬故留竺生法師繼號所居爲高座梁初寶公
主之與五百年大士俱有雲光師坐山巔說妙法天花墜
焉今號雨花臺則故唐盧給事中名襄字贊元者所命也
寺易今名且百年矣故藏古今詩刻皆廢可攷者唐李翰
林本朝呂侍講王中父三篇而已吾師遺言必求紀於耆
艾捨公而誰宜余雖病勉強捉筆惟此父子能苦行自立
於瓦礫場中作大佛事無毫髮擾可稱也哉乾道三年七
月望微猷閣直學士左朝散大夫吳興郡開國侯食邑一
千戶賜紫金魚袋致仕劉岑記并書

高座寺雨花臺記

宋沿江制置大使馬光祖

咸淳元年夏五月馬公光祖旣新烏衣園或謂臺與園相頡頏亦不可以不治乃併撤而新之高廣視舊加倍繚以修垣旁建掖屋又累石數百級以便登陟作門通衢以嚴啟閉江山觀覽之勝爲金陵第一矣

雨花臺勝甲江南事詳郡乘余公餘一往則臺屹其崇萬象環集山川城郭江淮吞吐如拱如赴而顧瞻吾臺藩板級夷反若歛然有不足當者乃度材更繕不兩月告成旣成率賓佐落之余撫欄作而言曰嗟乎地以山川勝山川以人勝而人之所以勝者何哉今吾與二三子登斯臺也仰而觀行闕與如趙元鎮張德遠之所建請猶凜有生氣

俯而觀長江渺如韓蘄國虞雍公戰勝之跡尚可一二數也子以是而觀之其亦有槩於心否歟向皆如晉元奕輩把酒清譚脫落世事則雖茂弘新亭士行石城遺迹之丘墟久矣而況所謂雨花臺者然則吾與若從容無事相與遊於此也而可不知其所自耶知其所自則當監其所爲矣吾老矣何能爲惟聞誦北山移說東廬山故事則躍然有所契金盆石室諒不終寒我盟然前所謂元鎮諸賢之事其卒付之登臨一槩而已乎詩曰高山仰止景行行止又曰以似以續續古之人吾敢以是爲二三子勉二三子有不勉者耶乃相與離席而謝曰敢不勉因筆以爲之記

時咸淳改元八月望日觀文殿學士金紫光祿大夫沿江
制置大使兼知建康軍府事兼管內勸農營田使兼江南
東路安撫大使馬步軍都總管兼行宮留守節制和州無
爲軍安慶府三郡屯田使兼權淮西總領金華郡開國公
食邑四千一百戶食實封八百戶馬光祖記并書

重修高座寺紀略

明南鴻臚卿陳壽

帝城之南出儉二里許有精藍曰高座晉之古刹也永嘉
中有尸梨蜜多羅自天竺來遊建康止於是每據高座說
法時人因以是名寺焉洪武初瑄白石奉檄來住起廢其
舊業後悉燬于火景泰癸酉禮部尚書晉陵胡公濙特薦

前香巖古溪澄公往主其席是時規模草具四方叅請之士接席而至卑隘不足以居古溪氣節簡遠厭於改作故終身不爲加飾其高弟繼席炬照堂嘗欲踪跡舊址募緣改作之成化丁未具疏以請會先帝上賓遂寢旣歸痛自奮策倡鳴宗教修習淨業道化所敷緇白嚮敬雲擁川會勢莫可禁於是合相時度地廣而更新之據中兩殿前曰藥師後曰淨業繙教相於東室顏曰天花演宗旨於西堂顏曰直指鐘鼓有樓庖廩有厨澡浴有池經始於弘治戊申之臘月落成於丙辰之十月

傳

帛尸梨蜜傳

高僧傳

帛尸梨蜜多羅此云吉友西域人時人呼爲高座傳云國
王之子當承繼世而以國讓弟遂爲沙門晉永嘉中始到
中國值亂仍過江止建初寺太尉庾元規光祿周伯仁太
常謝幼輿廷尉桓茂倫皆一代名士見之終日累歎披襟
致契導嘗詣蜜蜜解帶偃伏悟言神解時尚書令卞望之
亦與蜜致善須臾望之至蜜乃歛襟飾容端坐對之有問
其故蜜曰王公風道期人卞令軌度格物故其然耳諸公
於是歎其精神灑屬皆得其所桓廷尉嘗欲爲蜜作頌久
之未得有云尸梨蜜可謂卓朗於是桓乃咨嗟絕歎以爲
標題之極大將軍王處仲在南夏聞王周諸公皆器重蜜

疑以爲失鑒及見蜜乃欣振奔至一面盡虔周顓爲僕射
領選臨入過造蜜乃歎曰若使太平之世盡得選此賢真
令人無恨也俄而顓遇害蜜往省其孤對坐作胡唄三契
梵響陵雲次誦呪數千言聲音高暢顏容不變旣而揮涕
收淚神氣自若王公嘗謂蜜曰外國有君一人而已耳蜜
笑曰若使我如諸君今日豈得在此當時以爲佳言蜜性
高簡不學晉語諸公與之語言蜜雖因傳譯而神領意得
頓盡言前莫不歎其自然天拔悟得非常蜜善持呪術所
向皆驗初江東未有呪法蜜譯出孔雀王經明諸神呪又
授弟子覓歷高聲梵唄傳響于今晉咸康中卒春秋八十

餘諸公聞之痛惜流涕桓宣武每云少見高坐稱其精神
著出當年瑯琊王珉師事於蜜乃爲之序曰春秋吳楚稱
子傳者以爲先中國後四夷豈不以三代之胤行乎殊俗
之禮以戎狄貪婪無仁讓之性乎然而卓世之秀時生於
彼逸群之才或侔乎茲故知天授英偉豈俟於華戎自此
已來唯漢世有金日磾然日磾之賢盡於仁孝忠誠德信
純至非爲明達足論高座心造峯極交儔以神風領朗越
過之遠矣蜜常在石子岡東行頭陀旣卒因葬于此成帝
懷其風爲樹刹冢所後有關右沙門來遊京師廼於冢處
起寺陳郡謝混贊成其業追旌往事仍曰高座寺也

新公誌略

宋釋法永

師諱慧新南京楚丘人往南海禮補陀 觀音一夕至海濱遇一老翁爲師曰汝何往也師曰欲禮補陀觀音老翁曰觀音不在南方汝途中蹉過爾可速歸老翁言訖遂失所在師恍然如夢醒知是異人方悟觀音隨心卽現爾旣廻臨安紹興二年結菴龍山發心齋僧供贍長講五年之建康住普光菴接待往來雲侶次遷高座寺東借隅隙地築基架屋西北諸師輻輳茲地師不倦供給香燭益嚴十七年二月十二日示疾告終 紹興十九年己巳九月

西域僧傳略

舊志

西域僧不知名常止雨花臺南回回寺中貌若四十許人
解中國語自言六十歲矣不御飲食日啗棗果數枚所坐
一龕僅容其身每入定則令人扃其龕以紙封之或經月
餘聲歎之聲都絕人以爲化矣潛聽之則聞其掐數珠聲
歷歷也楊景芳者嘗館于家叩其術則勸人少思少睡少
食耳一切施予皆不受曰吾無用也後莫知所終

古溪澄禪師誌略

明南安知府金潤

古谿禪師諱覺澄山後蔚州人十歲不茹葷從雲中天暉
杲禪師落髮杜絕人事閱素怛覽藏毘奈耶阿毘曇藏經
律論之浩繁越五寒暑乃周忽憶大慧杲禪師語錄無字

話頭昏覺相敵不勝其難卽離兩忘然後大徹由是道行
日隆鉅卿名公交薦之住南陽香巖寺逾年乃有遠志訪
宗匠上西蜀遊江南適杭州授大戒還登太岡山首訪月
溪和尚得其奧旨甲戌秋往安慶投子山禮楚山和尚見
其機鋒穎利證悟切的遂付衣法嗣臨濟第二十四世之
燈俄別桐城棲禪固始之南山爪期幾易遂徃五臺接待
請瑞光禮文殊密有所悟錫還鄜城逢天界首座清寧請
居高座寺師允其迎請而至按圖籍雨花臺古之名刹自
東晉時西域僧帛尸梨蜜多羅開山後梁天監年續有雲
光法師講法華經天雨寶華故名其臺師遐繼芳躅善於

開導有利生藥師科儀三卷山居一十載足不履城市成
化癸巳八月初九日盥沐端坐夷然而化少息衆皆淒泣
又徐開目曰不須如是復瞑目

登梅岡望金陵贈族姪高座寺僧中孚 唐李白

鍾山抱金陵霸氣昔騰發天開帝王居海色照宮闕羣峯
如逐鹿奔走相馳突江水九道來雲端遙明沒時遷大運
去龍虎勢休歇我來屬天清登覽窮楚越吾宗挺禪伯特
秀鸞鳳骨衆星羅青天明者獨有月冥居順生理草木不
剪伐煙牕引薔薇石壁老野蕨吳風謝安屐白足傲覆襪
幾宿一下山蕭然忘干謁談經演金偈降鶴舞海雪時聞